



Norges KFUK KFUM Speidere

Kontakt saksbehandlar

Einar Heegaard, 51568872

Att.Johan Andreas Håland Thorkaas

## Søknad dispensasjon fra forskrift om vern av Hesten naturreservat fra Norges KFUK KFUM speidere i forbindelse med haik på Landsleiren Gnist 2022

---

**Vedtak: Statsforvaltaren i Rogaland gir med heimel i § 7 a) i forskrift om vern av Hesten naturreservat, Strand og Forsand kommunar, Rogaland, dispensasjon frå forbod mot å arrangere større arrangement i verneområdet, jf. § 3 andre ledd punkt d). Arrangementet er speidar haik i Hesten naturreservat i samband med landsleir på Forsand. Dispensasjonen gjeld for to døgn i perioden 5. til 7. juli 2022 mot vilkår. Det vert ikkje gitt dispensasjon frå andre reglar i forskrifta.**

### Vilkår:

- i) Dispensasjonen gjeld for arrangør av KFUK/KFUM landsleir i 2022 på Forsand
- ii) Dispensasjonen gjelder for tidsperioden 5. til 7. juli 2022.
- iii) Dispensasjonen gjeld berre frå forbod mot større arrangement, § 3 andre ledd punkt d), dei andre vernereglane er gjeldande.
- iv) Dispensasjonen gjeld for maksimum 250 deltakarar per døgn fordelt på tre ruter.
- v) Alle speidarar på rutene gjennom Hesten naturreservat må bli forklart at dette er eit naturreservat, og at i dette område gjelder det særskilte reglar for å hindre skade på natur. Det må opplysast om kva som ikkje er lov i dette området.
- vi) Speidarane må nytte stiane som er markert i rutekartet vedlagt søknaden.
- vii) Overnatting kan berre skje i samband med sjekkpunkta 1 og 13.
- viii) All overnatting må skje innanfor ei radius av 200 m frå sjekkpunkta.
- ix) All søppel må fjernast frå området.
- x) Ei felles latrine må lagast ved kvart sjekkpunkt med eit høveleg hol i bakken.
- xi) Latrina må ligge minst 30 m frå stien.
- xii) Latrina må gravast att etter bruk.
- xiii) Før patruljane forlèt overnattinga skal rydding av staden godkjennast av ansvarshavande ved sjekkpunkta.
- xiv) Etter at speidarleiren er gjennomført skal det rapporterast om gjennomføringa og rydding av området.



- xv) Rapporten må inkludere for hvert sjekkpunkt kor mange som deltok og kor mange patruljar som overnatta.
  - xvi) Ein kort rapport sendast Statsforvaltaren seinast innan 20. juli.
  - xvii) Rapporten merkast med 2022/6777.
  - xviii) Dersom uforutsett skade på verneområdet skjer er det viktig å varsle utan opphald Statens naturoppsyn v/Knut Henrik Dagestad.
- 

Me gjer tiltakshavar merksam på at dei er sjølv ansvarleg for å innhente grunneigar sitt samtykke, og at dispensasjonen ikkje tilsidesett anna lovverk, t.d. friluftsløva og forskrift om brannførebygging.

### **Klage**

Dette er eit enkeltvedtak som kan klagast på innan 3 veker etter at vedtaket er motteke, jf. §§ 28 og 29 i forvaltingslova. Ein eventuell klage skal stilast til Miljødirektoratet, postboks 5672 Sluppen, 7485 Trondheim, men sendast om Statsforvaltaren i Rogaland, postboks 59, 4001 Stavanger, jf. § 32 i forvaltingslova.

### **Bakgrunn**

Me viser til søknad, datert 16.06.2022, frå Noregs KFUK-KFUM speidarar v/Johan Andreas Håland Thorkaas (Leirsjef), om å få dispensasjon frå vernereglane til å gjennomføre ein speidarhaik gjennom Hesten naturreservat.

På landsleirar for speidarar er det vanleg å arrangere ein haik der speidarpatruljar går tur og overnattar ute. Ved landsleiren på Forsand er det lagt opp til haik frå 5. til 6. juli og 6. til 7. juli 2022. Totalt er det om lag 3500 deltakarar på leiren, og det er rekna med at til saman om lag 1800 vil delta på haik fordelt på to døgn, dvs. 900 kvart døgn. Desse deltakarane er fordelt på 16 rutar derav tre som går gjennom Hesten naturreservat.

I søknaden er det stipulert med 200 overnattingar per døgn innafor Hesten naturreservat. Alle turar gjennom naturreservatet går på eksisterande nettverk av stiar.

### **Heimelsgrunnlag**

Hesten naturreservat blei verna ved kgl.res. desember 2019, og forvaltingsmynde for naturreservatet er delegert til Statsforvaltaren i Rogaland.

Føremålet med vernet er å ta var på eit høgproduktivt skogsområde med alt plante- og dyreliv, jf. § 1 i forskrift om vern av Hesten naturreservat.

I vernereglane er det mellom anna forbode å øydelegge vegetasjon, medrekna daude buskar og tre, jf. § 3 andre ledd punkt a), det er forbod mot å skade og forstyrre dyreliv inklusiv reir og hi, jf. § 3 andre ledd punkt b), og det er forbod mot å etterlate avfall, og forsøple området, jf. § 3 andre ledd punkt c). Vidare er det eit forbod mot større arrangement innafor naturreservatet, jf. § 3 andre ledd punkt d).

I forskrifta er det lista ein rekke generelle unnatak frå vernereglane, jf. § 4.

I tillegg er det einskilde tiltak som kan være lov om det blir gitt dispensasjon frå vernereglane mot søknad vurdert av forvaltingsmynde, jf. § 7 spesifiserte dispensasjonsreglar i forskrift om vern av Hesten naturreservat.



I vurdering av søknad om dispensasjon skal forvaltingsmynde vurdere tiltaka opp mot prinsippa for offentlege avgjere i §§ 8 til 12, jf. § 7 i naturmangfaldlova.

### **Statsforvaltaren sin vurdering**

Statsforvaltaren som forvaltingsmynde for Hesten naturreservat har heimel til å fatte enkeltvedtak etter forskrift om vern av Hesten naturreservat, Strand og Forsand kommunar, Rogaland.

Arrangementet førespeglar at det vil være i storleik om lag 200 speidarar kvar dag innafor verneavgrensinga. Dette er rekna som eit stort arrangement og er derfor forbode. Det er derimot i forskrifta opna for at Statsforvaltaren kan gi dispensasjon frå vernereglane til større arrangement. Forvaltingsprinsippa i naturmangfaldlova (nml) må ligge til grunn for Statsforvaltaren sin vurdering, jf. § 7 i nml:

#### *§ 8 kunnskapsgrunnlag:*

Det er tilstrekkeleg kunnskap om naturverdiane i området gjennom naturregistregistreringar og synfaringar i samband med verneprosessen, og naturtypekartleggingar gjort i samband med forvaltingsplanarbeid for Hesten naturreservat. Sist kartlegging av naturtypane blei gjennomført som basiskartlegging i 2021.

Søknaden frå leirleiinga om å få gjennomføre ein haik for ungdom er tilstrekkeleg til å gjennomføre ei vurdering.

Området som deltakarane skal ferdast i er blanding av lauvskog og furuskog, og er verna med føremål å være representativt for skogsnaturtypar på vestlandet med edellauvskog, sumpskog, fattig boreal lauvskog og furuskog. Det er ein stor variasjon i området, og ferdsel må skje skånsamt. Det er deler av området som er meir utsett for slitasje enn andre, og difor er det eit pålegg frå forvaltingsmynde om at ferdsel blir gjennomført på eksisterande nettverk av stiar så langt som råd.

I søknaden er det snakk om 2 sjekkpunkt som patruljane må innom, og at overnatting skal skje i samband med desse. Det er ønskeleg å samle overnattinga innafor ein radius av 200 m frå sjekkpunkta, slik at ein kan halde oppsyn med at det ikkje skjer unødvendig skade på naturmangfaldet. Det er eit forbod mot å etterlate seg søppel i verneområdet og ved å holde speidarane nokolunde samla så kan leiarane ved sjekkpunkta syte for at all søppel blir tatt med ut av området.

Med 200 speidarar på kvar plass over to dagar er det naudsynt med noko sanitærforhold, det blir difor opna for at sjekkpunktleiinga kan organisere ei felles latrine. Her må sjekkpunktleiinga finne ein høveleg plass minst 30 m frå eksisterande tursti. Det er viktig at latrina blir lukka den 7. juli etter at speidarane har dratt frå sjekkpunkta.

Det er søkt om dispensasjon til å gjennomføre eit større arrangement, og det er vurdert. Det blir derfor ikkje opna for dispensasjon med omsyn til andre vernereglar, jf. § 3 punkt a), b), og c).

#### *§ 9 føre-var-prinsippet*

Me vurderer kunnskapen om naturverdiane og kunnskapen om sjølve det omsøkte tiltaket som tilstrekkeleg for at føre-var-prinsippet i naturmangfaldlova er irrelevant her.



### *§ 10 Økosystemtilnærming og samla belastning*

Det er klart at det er ein stor slitasjebelastning på økosystema og vegetasjonen av slike tiltak.

I søknaden er det skissert med om lag 200 speidarar kvar dag i området, me vurderer at talet kan vere noko usikkert og at personell ved sjekkpunkta må reknast med som ein del av arrangementet. Difor set me vilkår om maxsgrense på 250 personar per døgn, som inkluderer alle speidarar og leiarar i samband med haiken i perioden 5. juli til 7. juli.

### *§ 11 kostnadane ved miljøforringing skal berast av tiltakshavar*

Me gjer dykk merksam på at tiltakshavar pliktar til å dekke skadar ved å hindre eller avgrense skadar på naturmangfaldet som tiltaket medfører.

### *§ 12 miljøforsvarleg teknikk og driftsmetode*

I dette høve er dette i stor grad irrelevant, men ein latrine om naudsynt må anleggjast skånsamt slik at det medfører minst mogleg skade på naturverdiane.

## **Konklusjon**

Statsforvaltaren konkluderer med at tiltaket med å tilby ungdomar høve til å oppleve særeigen natur er svært viktig del av samfunnet. Speidarrøysla er ein godt etablert organisasjon som i ein årrekke har arrangert landsleirar rundt om kring i Noreg, og samla ungdom med friluftsinnteresser.

Statsforvaltaren ser at tiltaket er av stor samfunnsverdi, og opplevingsverd for ungdomane frå ulike stader i Noreg og er difor i utgangspunktet positive til ein landsleir.

Statsforvaltaren har vurdert at fordelane er større enn ulempane ein slik haik som omsøkt, har på naturverdiane i Hesten naturreservat dersom vilkåra i dispensasjonen blir fylgt. Statsforvaltaren vil dermed gi dispensasjon gjennom vedtaket, sjå først i brevet.

Statsforvaltaren ønskjer god tur til ungdomar og leiarar.

Med helsing

Cathrine Stabel Eltervåg (e.f.)  
ass. fylkesmiljøvernsjef

Einar Heegaard  
fagleiar natur

*Dokumentet er elektronisk godkjent*

Kopi til:

Eiliv Skomedal  
Miljødirektoratet

Gravarstunet 20  
Postboks 5672 Sluppen

4327  
7485

Sandnes  
TRONDHEIM